



		<b>REPUBLIKA E KOSOVES/REPUBLIKA KOSOVA/REPUBLIC OF KOSOVO</b> <b>AGJENCIA KUNDER KORRUPSIONIT</b> <b>AGENCIJA PROTIV KORUPCIJE</b> <b>ANTI-CORRUPTION AGENCY</b>	
Dep.	DPKI	Nr. Prot	06-02/2501/21
Dep.		Br. Prot	
Dep.		Prot No	
Nr. Ifaq.		Data	
Broj stranica	03	Datum	21.09.2021
Nr. pages		Date	
PRISHTINË			



**Republika e Kosovës**  
**Republika Kosova - Republic of Kosovo**

**AGJENCIA KUNDER KORRUPSIONIT**  
**AGENCIJA PROTIV KORUPCIJE**  
**ANTI – CORRUPTION AGENCY**

Në mbështetje të nenit 5 paragrafi 1, nënparagrafi 1.5, nenit 11 paragrafi 1, nënparagrafi 1.1 të Ligjit nr. 03/L-159 për Agjencinë kundër Korrupsionit, Nenit 14 paragrafi 1, nenit 22 paragrafët 8, 9, 12 dhe 15 të Ligjit nr. 06/L-011 për Parandalimin e Konfliktit të Interesit në ushtrimin e funksionit publik, si dhe Nenit 7, paragrafi 4 të Rregullores nr. 01/2018, për ndryshimin dhe plotësimin e Rregullores nr.01/2014 dhe Rregullores nr.01/2017 të Punës së Agjencisë kundër Korrupsionit, Drejtori i Agjencisë kundër Korrupsionit me datë 17.09.2021 mori:

**V E N D I M**

- I. **Ekziston konflikt i interesit** për z. Adrian Morina, ish U.D. Udhëheqës Artistik në Teatrin Kombëtar të Kosovës në rastin e trajtuar me nr. AKK –DPKI-06-755/21, lidhur me pjesëmarrjen dhe propozimin e tij për aprovim në Këshillin Drejtues të Teatrit Kombëtar të Kosovës, të shfaqjes “La rremë Kaçurrelja” me regjisori Kushtrim Koliqin.
- II. Agjencia do të kërkoj fillimin e procedurës për kundërvajtje nga Gjykata kompetente.
- III. Të gjitha vendimet që i nxjerr Agjencia lidhur me konfliktin e interesit bëhen publike në web faqen zyrtare të Agjencisë.

**A r s y e t i m**

- I. Rasti i hapur nën dyshimin për konflikt interesit në ushtrimin e funksionit publik për ish zyrtarin z. Adrian Morina, U.D. Udhëheqës Artistik në Teatrin Kombëtar të Kosovës, është trajtuar sipas procedurës së paraparë në Ligjin për Parandalimin e Konfliktit të Interesit në Ushtrimin e Funksionit Publik.

Pas pranimit të disa kërkesave nga raportues të jashtëm lidhur me pretendimin e ngritur për situatë të mundshme të konfliktit të interesit, sipas të cilave z. Adrian Morina është angazhuar në shfaqjen “Unë jam vetë grua” nga z. Kushtrim Koliqi në vitin 2019, pastaj në vitin 2020 z. Adrian Morina duke qenë U.D. Udhëheqësit Artistik në Teatrin Kombëtar të Kosovës, në



mbledhjen e mbajtur nga Këshilli Drejtues i Teatrit Kombëtar të Kosovës të datës 07.02.2020, i njëjtë e ka propozuar për aprovim në Këshillin Drejtues të Teatrit shfaqjen “La rremë Kaçurrelja” me regjisori Kushtrim Koliqin, dhe e njëjtë është aprovuar sipas arsyetimit të dhënë nga z. Morina.

Me këtë rast, zyrtari z. Morina, është njoftuar me një shkresë zyrtare nga Agjencia kundër Korruptionit, për fillimin e shqyrtimit të gjendjes së mundshme të konfliktit të interesit. Më pas është organizuar një takim me të, në Agjencinë kundër Korruptionit, për të diskutuar lidhur me situatën e mundshme të konfliktit të interesit. Gjatë këtij takimi, si dhe përmes shkresës të datës 25.04.2021, z. Morina ka ofruar sqarimet përballë pretendimeve të ngritura për situatë të konfliktit të interesit.

Agjencia kundër Korruptionit lidhur me këtë rast ka kërkuar dhe pranuar dokumentacionin e nevojshëm nga Teatri Kombëtar i Kosovës.

z. Adrian Morina është caktuar U.D. Udhëheqës Artistik në Teatrin Kombëtar të Kosovës nga Këshilli Drejtues i Teatrit me Vendimin nr.402 të datës 17.10.2019.

Këshilli Drejtues i Teatrit në mbledhjen e mbajtur të datës 07.02.2020 e ka aprovuar rekomandimin e komisionit vlerësues për shfaqjet e skenës së vogël në Teatrin Kombëtar të Kosovës.

Po ashtu, sipas propozimit të z. Adrian Morina, U.D. Udhëheqës Artistik i Teatrit, është aprovuar repertori për vitin 2020 nga Këshilli Drejtues i Teatrit Kombëtar të Kosovës për shfaqjet e skemës së madhe të Teatrit Kombëtar të Kosovës, ku në mesin e këtyre shfaqjeve është propozuar dhe aprovuar shfaqja “La rremë Kaçurrelja” me regjisori Kushtrim Koliqin nga Këshilli Drejtues i Teatrit Kombëtar të Kosovës.

Në nenin 6 të Ligjit nr.06/L-011 për Parandalimin e Konfliktit të Interesit është përcaktuar përkufizimi i konfliktit të interesit në të cilin shprehimisht thuhet;

*“Konflikti i interesit lind nga një rrëthanë në të cilën zyrtari ka interes privat, që ndikon, mund të ndikojë ose duket se ndikon në kryerjen me paanshmëri dhe objektivitet të detyrës së tij zyrtare”.*

Ndërsa, në nenin 3 pika (pika 2) të Ligjit për Parandalimin e Konfliktit të Interesit është përcaktuar interesi privat i zyrtarit, në të cilën shprehimisht thuhet;

*1.2 “Interes privat i personit zyrtar – nënkupton çfarëdo përparësie për personin zyrtar, familjen e tij, të afërmët, miqtë dhe personat apo organizatat me të cilat ai ka pasur apo ka marrëdhënie afariste”.*

Agjencia kundër Korruptionit pas shqyrtimit të shkresave të lëndës, duke u bazuar në Ligjin për Parandalimin e Konfliktit të Interesit konstaton se;



z. Morina, duke shfrytëzuar kompetencat e tij ligjore të përrektuara në nenin 15 të Ligjit nr.04/L-106 për Teatrot, e ka propozuar për aprovim në Këshillin Drejtues të Teatrit Kombëtar të Kosovës shfaqjen “La rremë Kaçurrelja” me regjisori Kushtrim Koliqin e që në këtë rast, i njëjtë ka vepruar në kundërshtim me nenin 9 paragrafi 1.8 të Ligjit nr.06/L-011 për Parandalimin e Konfliktit të Interesit në të cilin ndër të tjera thuhet se;

1. Gjatë ushtrimit të funksionit publik zyrtarit i ndalohen këto veprime:

*1.8. “të ndërmarrë veprime të cilat në ndonjë mënyrë do t'i përshtaten interesit personal të tij apo të çdo personi tjetër fizik dhe juridik, të bashkaksojnë apo personave në lidhje të mëhershme asariste në pesë (5) vitet e fundit”.*

Me këtë rast, z. Adrian Morina, ka pasur interes privat, lidhur me propozimin e tij për shfaqjen “La rremë Kaçurrelja” kjo për faktin se z. Morina dhe z. Koliqi kanë pasur bashkëpunim profesional me interes financiar në raporte të ndërsjella, lidhur me shfaqjen “Unë jam vetë grua” sipas kontratës të datës 07.10.2019.

Në bazë të Ligjit për Parandalimin e Konfliktit të Interesit, “zyrtari i lartë ka për detyrë të parandaloj dhe të zgjidhë vetë brenda afatit ligjor, dhe në mënyrën më efektive të mundshme, çdo situatë të konfliktit të tij të interesit”, Neni 8, paragrafi 1, të Ligjit Nr.06/L-011.

**II.** Sipas Ligjit për Parandalimin e Konfliktit të Interesit në Ushtimin e funksionit Publik (Nr.06/L-011) Neni 23, paragrafi 1, çdo shkelje e detyrimeve të përrektuara me këtë ligj, kur nuk paraqet vepër penale, paraqet kundërvajtje dhe dënohet me gjobë sipas nën-paragrafit 1.1.

**III.** Të gjitha Vendimet që i nxjerr Agjencia lidhur me konfliktin e interesit bëhen publike në web faqen zyrtare të Agjencisë, Neni 22, paragrafi 12.

Nga ajo që u tha në arsyetim, u vendos si në dispozitiv të këtij vendimi.

  
Shaip Haroni  
Drejtës i Agjencisë kundër Korruptionit

Vendimi iu dërgohet:

- Zyrtarit të lartë publik
- Drejtës i Agjencisë kundër Korruptionit
- Z./zng. (zyrtari përgjegjës)
- Z./zng. (zyrtari ndihmës)